



Selasa 24 Januari 2023

1 Teselonika 5:13



"Ola Si Rubat-Rubat"



Pedah orang tua man anak-anakna tupung ia enggo metua, nina, ola kam si rubat-rubat, keleng ate erturang, keleng ate ersenina. La seri buatenndu kerina, i bas si e sisampat-sampatenlah kam. Kami pe mejuah-juah ras seninandu adi kam ersada arih. Pedah guru man anak-anakna, ula rubat, ula percian, kerina erjuang guna kemajun. Pedah serayan Tuhan pe man perpulungen, ula kita si rubat-rubat, ersadalah arihta i tengah-tengah perpulungen. Paulus pe mereken pedah man perpulungen Tesalonika gelah ola si rubat-rubat perpulungen ras si erdahin i bas perpulungen.

Uga maka banci kita i bas perpulungen e la si rubat-rubat, entah ersenina erturang bage pe erteman la si rubat-rubat? Jabapenna si pemena, nggit surut, la arus seri di kune lit si man baginken, la nggit sitahanen, nggit mpelebei sura-sura teman, siergan, nggit ngaloken kelebihan ras kekurangan teman. Terdauhen nggit nampati i bas teman entah turang senina perlu penampat. Rusur arih-arih, erpersukuten man senina. Enda kerina praktek keleng ate. Bage min si turah i bas kita kerina perpulungen, gelah kemalemen ate jadi sikerajangennta.

Lit kata si rusul ibelasken i bas film kartun teletubbies 'berpelukan.' Tupung berpelukan e senyum kerina pemainna ndai. Encidahken kekompaken, kiniersadan arih, saling menguatkan, sepenggejapen ras lit kerjasama. I bas berpelukan e lit i je *saling mentransfer energi positif* nandangi teman, seh maka megegeh siakap kita ngalaken kegeluhen enda. La siakap kita si sada erkiteken lit teman si nggit mereken diri ras waktu guna nampati. Berpelukaan enda pe banci *menstabilkan sistem saraf*, seh maka saraf-saraf e berfungsi alu mehuli. Berpeluken e kepeken mereken kesehaten subuk man kula bage pe perukuren. Bage min kita i bas jabu, i bas ersenina, erturang bage pe i bas perpulungen, saling merangkul, mereken energi positif gelah turah semangat ndalani kegeluhe.

Rubat, NO... Berpelukan... YES!



Blank writing area with a wavy top edge.